

吳文節公遺集

吳文節公遺集卷十六目錄

奏議

撲捕臨川縣滋事棍徒摺

漕船應溯流迎查摺

捕獲臨川縣滋事棍徒片

移駐通判等缺摺

吳文節公遺集卷十六

男養原謹編

奏議

撲捕臨川縣滋事棍徒摺

奏爲棍徒挾讎焚搶拒捕傷兵現委文武大員前往撲
捕以靖地方恭摺

奏祈

聖鑒事竊照上年冬間江西臨川縣北鄉棍徒周詳彩
等藉修廟宇爲名設立公局威脅通縣花戶每米一石
勒令赴局繳錢一千文給予執照始准赴倉完糧該府

縣會營查拏恃眾拒傷兵役經臣檄委糧道朱慶酌帶省兵馳赴該縣彈壓查辦該匪徒等先已聞風逃散經該道將其公局拆毀搜獲要犯十餘名執照數十張解省委審當經臣於閱兵改期案內附片

奏明在案嗣據該府縣購覓紳士許光縉黃鍾秀等作線將首犯周詳彩弋獲押解來省訊據供認勒派花戶刊刻執照及拒捕閭堂各情不諱正飭確審擬解回復據該府縣稟稱周詳彩餘黨周景幅等因挾紳士許光縉等作線拏犯之讎糾集多人於正月初十日將紳士許光縉等房屋燒燬銀錢穀石搶劫一空該署縣馬永

熾得信會營督率兵役往捕十一日行抵北鄉萬年觀
地方該匪徒持械四合迎拒致傷兵役該縣營令兵丁
開槍抵擊格斃匪徒十餘人匪等始各畏懼逃竄維時
天漸昏黑又因陰雨路滑未能窮追現在該匪徒等猶
糾聚黨羽揚言釋放周詳彩重建公局殺死許光縉等
方肯解散復迫脅附近良民出丁出錢幫同抗官如其
不從卽先焚搶並據被害之士民紛紛稟訴等情飛稟
到臣
臣查該匪徒等始則設局斂錢按糧私徵繼因首
犯周詳彩被紳士等作線拏獲膽敢挾讐率眾焚搶喊
邇鉅萬拒捕傷兵迨被該縣營等擊散之後猶敢聚眾

迫脅良民揚言挾制似此玩法奸民情同寇盜若不痛
加懲創良民何以安生

臣當卽派撥省兵飭委臣標中

軍叅將丁麟兆並委因公在省之贛州府知府周玉衡
會同管帶迅速馳赴撲捕務將首要各犯悉數就獲從
嚴懲辦所有匪徒滋事現在查辦情形合先恭摺具

奏伏乞

皇上聖鑒訓示謹

奏道光二十八年正月二十八日奏奉

硃批另有旨欽此

漕船應溯流迎查摺

奏爲江西各幫漕船難於蕪湖關停泊候驗應請准旨溯流迎查恭摺

奏祈

聖鑒事竊

臣接准戶部咨議覆安徽撫

臣王植片奏軍

船准帶土宜開單移關查驗並江西軍船請照兩湖軍
船章程到關暫停候驗一摺奏奉

上諭漕船准帶土宜原爲津貼體恤起見惟例外多帶
既應查驗於未經開行之先尤宜嚴防其中途裝帶之
弊著湖廣江西各督撫轉飭各該糧道實力查驗并開
列船口清單先期飛移各關俟糧船抵關時按單查驗

認真辦理惟江西漕船抵關時每多連檣竟過不候查驗藉口於限緊溜急每多夾帶著查照兩湖漕船章程到關暫停或潮流迎查俾得核實稽察毋誤過行總當見船卽驗一驗卽行斷不准稍有遲延透漏以速運務而重關稅等因欽此欽遵轉行遵照去後茲據督糧道朱旛詳稱遵查漕船例帶土宜厯係開明貨色清單到關呈驗但未將何艙貯何土宜若干二分晰開列奉行前因自應欽遵查辦以杜例外多帶之弊至漕船行抵蕪湖關暫停候驗一層詳細體察難以查照兩湖章程辦理緣兩湖漕船每省各止一百數十餘隻係屬先

後行走江省漕船共計六百三十六隻連檣過行不准
脫空蕪湖關南岸爲停船候驗碼頭僅可容湖南北各
自行走百餘隻之漕船不能容江西魚貫行走六百餘
隻之漕船其北岸蠟礦地方係著名險隘江溜迅急更
難灣泊自應欽遵

諭旨溯流迎查較爲妥便惟查該關從前詳明迎查之
漕港地方亦僅能容船百餘隻若前船停泊待查後船
跟蹤而來卽無堪泊之處每致不能排列候驗仍屬有
名無實茲查有安徽銅陵縣所屬之大通鎮地方碼頭
寬闊水勢平穩兼有支港可避風浪素爲漕船灣泊之

所距蕪湖關僅止百餘里江西幫船應請卽於此處暫停候驗俟各幫漕船將抵該處先期飛移該關或關道親來或派委妥員攜帶印票會同該道督率押運廳弁實力查驗給票放行如此辦理既可認真榷稅而漕船亦可免疎虞等情呈請具

奏前來臣覆加體察委係實在情形且查湖北漕船九江關道亦係於距關一百數十里之田家鎮地方迎查歷辦有年從無貽誤蕪湖關似可照辦合無仰懇

天恩飭下安徽撫臣轉飭蕪湖關道於江西各幫漕船在於銅陵縣所屬之大通鎮地方暫停候驗該關道務

須隨到隨驗隨卽放行不得稍有遲延俾關稅酒船兩無窒礙是否有當理合恭摺具

奏伏乞

皇上聖鑒訓示謹

奏道光二十八年二月二十二日奏奉

硃批戶部速議具奏欽此

捕獲臨川縣滋事棍徒片

再江西臨川縣棍徒周景福等挾讎焚搶拒捕傷兵當經臣派委文武大員帶領省兵前往撲捕一面將查辦情形恭摺具

奏在案茲據委員贛州府知府周玉衡撫標叅將丁麟
兆回省稟稱該府等馳抵該縣該匪徒等先期聞風解
散連日會同地方文武督帶兵役分投搜捕首犯周景
幅早經遠颺已將次要之周赤沅等二十餘名拏獲訊
據供認聽從放火拒捕屬實現在良民安業地方平靜
酌留兵丁數十名在彼隨同該府縣偵捕逸犯餘兵撤
回歸伍等情到臣除臣仍嚴飭該府縣跟蹤偵捕要犯
周景幅等悉數務獲究懲並將已獲各犯提省歸案審
辦外所有地方靜謐省兵撤回歸伍情形謹先附片陳
明伏乞

聖鑒謹

奏道光二十八年二月二十二日奏奉

硃批知道了欽此

移駐通判等缺摺

奏爲移駐通判等缺以資整頓並酌請改繁改簡以符
定制恭摺仰祈

聖鑒事竊維除暴詰奸爲安民之要務設官分職必因
地以制宜臣等查得江西贛州府所屬之龍南縣民俗
獵悍近年以來搶劫鬪毆捉禁勒贖之案層見疊出推
原其故因該縣南鄉有太平新興大龍三堡界連廣東

連平和平南雄始興翁源及本省信豐等州縣四通八達匪類最易潛蹤而龍南縣城僻處東北一隅相距該三堡自八十里至一百八十九里不等該匪類等明知縣官下鄉不能久住每每此拏彼竄散而復聚前於扼要之大龍堡觀音閣地方添設大龍司巡檢一員查拏稽察奈因官職微小額設弓兵無多巡防仍難得力查贛州府通判本在郡城後經移駐贛縣所屬之大湖江今大湖江一帶河道平靜毋須大員彈壓應請將該通判改駐龍南縣觀音閣地方分防龍南信豐兩縣並請於贛標後營派撥千總一員兵丁八十名與該通判

一 同防守 凡龍南縣屬之太平等堡暨信豐縣屬距城遠而距該處近之鎮南等堡遇有命盜搶奪案件該廳等不克分身准該通判會營勘驗緝拏送縣究辦一切詞訟亦准就近審理俾小民得以隨時控究匪類不致橫行如遇太平鎮南等堡有疎防失察等事卽將該通判作爲捕官開叅其餘概照不同城捕盜廳員例叅處移駐于總卽作爲該處專防以本汎武弁爲協防至觀音閣旣有通判並于總駐紮所有大龍司巡檢應卽移至該通判原駐之大湖江地方巡防河匪分別換給贛州府分防觀音閣等處督捕通判關防及贛縣大湖同

巡檢印信以昭信守大湖江本有通判舊署可卽改爲巡檢衙署凡巡檢廉俸弓兵工食等項俱仍舊貫毋庸另議觀音閣應建通判千總衙署並增築城堡及搭蓋兵房公廨約估需銀八九千兩請由臣吳文鎔督飭該道府等捐廉興辦毋庸請動

國帑該通判廉俸書役工食等項照原額由坐編之縣支給相驗命案需用仵作刑書卽由龍南信豐二縣撥給應役亦毋庸另議添設惟是贛州府通判係屬簡缺今議移駐要地必須幹練有爲熟悉情形之員方足以資治理應請改爲繁疲難兼三要缺由外揀員調補以

重職守而簡缺改繁例應於繁缺中酌改一缺爲簡以資抵補查有南康府屬之都昌縣原定繁疲難兼三要缺近來獄訟稀少可以改爲疲難二字中缺以符定制抑臣等更有請者龍南長甯二縣汎兵係贛鎮標後營中營所屬相距汎地或三百餘里或四百餘里間有會營調兵之事往返非十餘日不可易失機宜查龍南縣離橫岡營八十里請將該縣額兵並現議移駐弁兵統歸橫岡營都司管轄長甯縣離羊角營八十里請將該縣額兵撥歸羊角營都司管轄如此一轉移間緩急更爲足恃而弁兵並不增額於營制亦無窒礙臣等爲整

頤地方起見往返函商意見相同茲據藩臬兩司轉據該管道府具詳請

奏前來謹合詞恭摺具

奏伏乞

皇上聖鑒訓示

勅部覈覆施行謹

奏道光二十八年三月十七日奏奉

硃批該部議奏欽此

吳文節公遺集卷十七目錄

奏議

審擬貴溪縣滋事匪徒摺

吳文節公遺集卷十七

男養原謹編

奏議

審擬貴溪縣滋事匪徒摺

奏爲糾眾罷考拒捕殺差並聚議包漕閩拏抗拒各犯
提省審明分別按例定擬恭摺仰祈

聖鑒事竊

臣前據署貴溪縣知縣閻形恩先後稟報該

縣奉文歲試文童有童生倪步闇等貼帖阻考卽經拏
獲訊供管押並改期考試又有貢生倪步蟾等糾集匪
棍聲稱打搶考童督役往拏被將縣役胡海彭和拒傷

身死併將倪步閣等及另案管押之侯邦理搶逃等情
當經臣委員會同署廣信府知府蔣啟敷前往查辦經
該委員等問據閭形恩回稱此次鬧考之人均係歷年
包漕之刁生劣監因該縣催科認真欲借考事人多挾
制官長預爲包漕地步詢據投首之倪步蟾等供稱該
縣因擅責生員士心不服致有貼帖阻考情事迨後何
人拒斃差役何人搶去侯邦理伊等均不知情並稱倪
步閣等係屬乘閒逃出並非被搶等語稟經臣以所查
係該署縣濫刑激眾借詞誣過現在犯多未獲會摺

奏參請將署貴溪縣事候補知縣閻形恩暫行革職以便拘提案犯確究鬱由分別辦理嗣於道光二十七年十月初一日奉到

上諭吳文鎔奏衿棍藉端鬧考拒斃差役請將知縣暫行革職一摺江西貴溪縣文童考試該童生等膽敢聚議罷考以致棍徒糾眾滋事傷斃差役並將看管生童一併搶逃不法已極此次鬧考何以又牽涉鬧漕之事種種藉端挾制或因該署縣濫刑激眾釀成事端抑生童等豫爲包漕地步必應澈底分別究辦以肅庠序而警刁頑署貴溪縣事候補知縣閻形恩著暫行革職交

該撫提同案犯人證確切訊究按律定擬具奏等因欽此查案內要犯王歡喜等先經該署府蔣啟勦會督印委員弁拏獲解省發委南昌府知府吳清皋審辦在案欽奉前因維時蔣啟勦業已卸事遵卽檄飭接署府南安府知府鄧仁堃督拏在逃各犯去後旋據鄧仁堃以訪聞逸犯桂灤麻仔桂培風潛匿職員黃連生村內仍與黃連生等商謀包漕會督營縣往拏黃連生率眾拒捕有錢英俚王開發徐何仔放槍中傷縣役趙魁當被兵丁開放鳥槍擊傷身死黃連生等始各逃散當時追獲錢庭秀等訊供稟報批飭嚴拏各案逸犯解究嗣據

將犯陸續弋獲抑解來省飭發南昌府併案訊辦並添
委蔣啟敷等會同確審茲據該委員等審明議擬由臬
司陸元烺審解前來

臣

親提研鞫緣已革貢生倪步蟾

籍隸貴溪縣向充該縣士民捐建賓興館公所首事又

在義學教讀生徒眾多與已獲之孔詳俚侯邦理方百
富獲案病故之方定士王歡喜在逃之桂澗麻仔桂培

風侯宇生方佩葱族弟倪步衢均各交好平日互相包

攬錢漕把持漁利道光二十七年二月間該署縣閻形

恩抵任訪知該縣錢漕歷有衿棍攬納出示嚴禁四月
十一日糧差劉春茂因生員侯邦理有應完本年上忙

錢糧未經完納前向催追侯邦理不依與劉春茂口角
揪扭經劉春茂稟經該署縣傳案查訊侯邦理出言頂
撞該署縣會學掌責管押詳革諭俟查明有無劣蹟再
行究辦侯邦理被押情急信託倪步蟾爲之設法解救
而倪步蟾因該署縣示禁包漕業已不悅又伊徒童生
劉丙照曾於放告之時進署觀看與門役爭鬪被該署
縣戒責迨接侯邦理之信以謂該署縣屢辱斯文大爲
不平適值該署縣奉文歲試示期七月初五日開考倪
步蟾起意罷考希圖挾制該署縣將侯邦理衣頂開復
並圖照舊包攬錢漕遂令伊徒劉丙照董立恭方入瀛

倪步閣程光霽汪元喜並伊姪倪黼秀分寫換官再考
揭帖分佈張貼劉丙照等先未應允被逼勉從倪步蟾
又恐考童未肯依從於七月初三日夜主令劉丙照等
將考棚頭門毀匿時有廩生倪步雲倪步階生員曾迴
旭聞知往看均未向阻當經該署縣查知飭差將劉丙
照董立恭方入瀛倪步閣程光霽倪黼秀並聽阻未經
投卷之考童葉陞黃矩獲案訊供差押與侯邦理同住
一處一面將考棚門扇修整改期初八日考試倪步蟾
探知已有童生投卷應考因事已敗露勢難中止復起
意糾眾阻鬧信致孔詳俚方百富方定士王歡喜桂滋

麻仔桂培風侯宇生方佩葱倪步衢各爲糾人約定初八日在賓興館會齊孔詳俚等分投糾得已獲之游能俚方百朋周加榮李烏仔方冬生方雙昭方才俚方中華方昆和方明灝楊哆哆游春喜倪二甲俚邱家旺桂相奎方路榮方昆成方彩雪方連相侯朗俚侯開生桂兆德桂啞仔桂發德桂沅發桂冬葵彭保喜桂廣秀楊花仔楊來發倪瀧兆獲案病故之方新華孔敬榮方昭雲孔早榮侯和山朱啟發在逃之侯狗頭岡侯宇聾仔方變昭方彩斌倪榮開倪富俚倪閒喜侯恩俚侯鼎生侯克讓侯高生桂組俚桂蟾俚桂志榮孔添保孔添佑

孔漸詳孔添喜楊假俚朱亨山朱正開武舉江廷傑廉
生李彬生員彭飛共六十人屆期方百富桂培風侯
宇生方佩葱倪步衢畏懼未行倪步蟾與孔詳俚方定
士王歡喜桂澆麻仔帶同游能俚等先後進城齊集賓
興館內時與考之童生四十八名業經該署縣點名入
場尚未完卷倪步蟾正欲領人前赴考棚阻鬧該署縣
聞信卽將考童由夾道帶進縣署督飭差役往拏倪步
蟾方定士王歡喜桂澆麻仔與游春喜等均由該館後
門逃逸孔詳俚素習拳棒恃有膂力率同游能俚方百
朋周加榮李烏仔方冬生方雙昭方才俚方中華方昆

和方明瀨楊哆哆侯狗頭岡侯宇聾仔方燮昭方彩斌
出門迎拒縣役胡海彭和上前向捕孔詳俚喝令拒毆
侯狗頭岡侯宇聾仔各用木棍毆傷胡海偏右腦後右
腰眼右臂游能俚用身帶尖刀砍傷胡海顱門並戳傷
肚腹倒地方百朋用木槍戳傷彭和腦後左腿方燮昭
方彩斌亦各用木槍戳傷彭和項頸左血盆骨左肱肘
左乳心坎倒地周加榮等均止在場助勢並未幫毆孔
詳俚見差役被殺倪步蟾等又均先逃去亦與游能俚
等一同走散各差役等見勢兇猛不敢追捕胡海彭和
旋各因傷身死時在押之侯邦理劉丙照董立恭方人

瀛倪步閣程光霽倪黼秀葉陞黃矩聽聞人聲鼎沸又見看役均未在旁乘間逸出逃回而孔詳俚等路過縣役黃枚胡祥符節邱元湯清胡松等門首孔詳俚憶及該役等平日催糧嚴緊挾有嫌隙起意將其房屋拆毀洩忿時游能俚方百朋侯狗頭岡等業已走遠隨邀同局加榮李烏仔方冬生方雙昭方才俚方中華方昆和方明灝楊哆哆動手適方百富與已獲之江錦秀江慶高江元矮仔江蠹仔朱正北江四喜獲案病故之江達才在逃之江友胖仔江庭拔江振俚江初發江老配江接秀江林俚江斗秀李蠹仔李興惠李發喜方美俚楊

才俚往探消息在彼經過孔詳俚暨見央允方百富等
幫助卽將黃枚等各家房屋拆倒而逸此倪步蟾起意
罷考糾眾欲圖阻鬧並孔詳俚喝令拒殺差役及拆毀
差房之原委也該署縣閭形恩查明各情並以俟邦理
等在押脫逃疑爲被搶先後稟報經臣委員會同署廣
信府知府蔣啟敷前往查辦並飭查明釁由稟覆維時
蔣啟敷業已會營督兵往拏委員驗明屍傷並據倪步
蟾董立恭方入瀛倪步閣倪黼秀倪步雲倪步階曾迴
旭自行投首該委員等查詢起釁根由彼此互異據供
具稟經臣將該署縣閭形恩會摺

奏參欽奉

諭旨暫行革職

勅令提同案犯人證確切訊究按律定擬時該署府蔣啟敷業已卸事案犯王歡喜等先經該署府會督印委員弁拏獲與倪步蟾等先後解省發委南昌府知府吳清皋審辦欽奉前因檄飭接署府鄧仁堃嚴拏在逃各犯解究而桂澆麻仔桂培風聞拏嚴緊因與在逃職員黃連生平日包納漕糧各有照應逃赴黃連生村內央允留藏旋值該縣開倉收漕黃連生恐一年中止後難繼行仍起意包漕獲利當與桂澆麻仔桂培風並已獲

之侯修山獲案病故之錢庭秀在逃之王品才商定向附近各都花戶包攬漕米代爲赴倉完交卽經該署府鄧仁堃訪聞於十月十九日會督營縣前往查拏袁連生聞信復起意糾人抗拒遂令侯修山錢庭秀王品才糾邀已獲之于益行錢喜保桂茂喜錢五俚錢詳俚錢開發錢申幅錢廣喜錢益如錢阜榮官富俚錢向榮姜進有王亮彩王求成王壽生饒世青王富俚徐茂春黃三如侯新發已被擊斃之錢英俚王開發徐何仔獲案病故之錢富俚朱才俚在逃之畢再輝劉明發周三萬黃新發黃金生桂志榮三十二人幫護是日黃連生等

探知兵役將到桂瀝麻仔桂培風逃赴別處躲避黃連生與僕修山錢庭秀王品才率領于益行等出村迎拒錢英俚王開發徐何仔點燃鳥槍中傷縣役趙魁頭面等處當被兵丁葉盛發等開槍擊斃黃連生等畏懼始各四散奔逃當時追獲錢庭秀于益行等訊供稟報此又黃連生起意包漕聞拏糾眾拒捕傷差被兵丁開槍擊斃從犯之情形也臣接稟後批飭嚴拏各案逃犯務獲解究嗣據陸續將犯弋獲押解來省並據查明已未獲各犯舉貢生監職員由縣分別詳咨斥革當經飭發南昌府知府吳清皋併案擬辦並添委新放廣信府知

卷之十一
府耆齡署廣信府事南安府知府鄧仁堃南昌府同知
蔣啟敷會同確審案犯孔敬榮朱才俚方定七王歡喜
方新華方昭雲孔早榮侯和山朱啟發江達才錢庭秀
錢富俚倪步閣倪步蟾先後在監在押病故均經各該
縣驗訊詳報批令核入正案辦理茲據訊擬由司審轉
經臣提訊據供前情不諱究無開堂審署逞凶毆官及
另犯不法別案並究明該署縣閭形恩亦無濫刑激衆
情事案無遁節查例載直省刁民借事罷考擅自聚衆
至四五十人尙無鬪堂塞署並未毆官者照光棍例爲
首擬斬立決爲從擬綏藍侯又一切犯罪事發官司差

人拘捕如有逞兇拒捕殺死差役者爲首無論謀故殺
殺俱擬斬立決爲從嚴殺下手傷重致死者擬絞立決
但係幫同下手者不論手足他物金刃擬絞監候在場
助勢未經幫毆成傷者改發極邊足四千里充軍又律
載犯罪事發逃走拒捕者各於本罪上加二等爲從各
減一等又毀損人房屋計合用修造雇工錢坐贓論又
坐贓致罪各主者通算折半科罪五百兩罪止杖一百
徒三年又例載聞拏投首之犯於本罪上減一等科斷
各等語此案革貢倪步蟾因縣示禁衿棍包攬錢漕輒
藉侯邦理欠糧頂撞被責詳革之由起意罷考挾制先

脅令伊徒劉丙照等分寫換官再考揭帖分佈張貼並
主令將考棚頭門毀匿迨縣將劉丙照等拏獲復敢於
該署縣考試之日糾集六十餘人欲赴考棚阻鬧以致
考童均未完卷出場實屬罷考已成自應按例問擬倪
步蟾合依刁民借事罷考聚眾至四五十人尙無鬪堂
塞署並未毆官者照光棍例爲擬斬立決例擬斬立
決係聞拏投首照例於斬罪上減一等杖一百流三千
里該犯身爲貢生目無法紀應從重請發新疆業已在
監病故應毋庸議孔詳俚聽從倪步蟾起意阻考代爲
糾人同行迨經官役生拏輒敢倚恃脅力率眾拒捕喝

令游能俚等毆斃差役二命並挾嫌將縣役黃枚等房
屋拆毀藐法已極亦應按例從重問擬孔詳俚除罷考
爲從及拆毀差房各輕罪不議外合依犯罪事發官司
差人拘捕逞兇拒捕殺死差役爲首無論謀故毆殺俱
擬斬立決例擬斬立決游能俚聽糾阻考同行入城復
聽從孔詳俚喝令拒捕與侯狗頭岡等共毆致傷差役
胡海身死查胡海身受各傷惟後被該犯刀戳致命肚
腹腸出一傷爲重應以該犯當其重罪游能俚除聽糾
阻考輕罪不議外合依拒捕毆殺差役下手傷重致死
者擬絞立決例擬絞立決與孔詳俚各先於左面刺兇

犯二字方百朋聽糾阻考同行入城復聽從拒捕與方
變昭等共毆致傷差役彭和身死查該犯用木槍戳傷
彭和腦後左腿傷不深重不致戕生究明彭和委被逸
犯方變昭等後下手致死眾供僉同方百朋除聽糾阻
考輕罪不議外合抗拒捕毆殺差役幫同下獄者不論
手足他物金刃擬絞監候例擬絞監候秋後處決周加
榮李烏仔方冬生方雙昭方才俚方中華方昆和方明
灝楊哆哆聽糾阻考同行入城於孔詳俚喝令拒捕之
時僅止在場助勢並未下手傷差周加榮等九犯除聽
糾阻考輕罪不議外均合抗拒捕殺差在場助勢未經

鬻歐成傷者改發極邊足四千里充軍例改發極邊足
四千里充軍該犯等又聽從孔詳俚拆毀差房應請從
重發往新疆酌撥種地當差方定士王歡喜聽從倪步
蟾起意阻考代爲糾人同行實屬爲從方定士王歡喜
合依刁民借事罷考爲從擬絞監候例均擬絞監候俱
已死故應毋庸議革生侯邦理因欠糧頂撞被責詳革
輒敢信託倪步蟾爲之設法解救以致倪步蟾起意罷
考挾制釀成巨案實爲案中肇禍之人未便輕縱侯邦
理應請於倪步蟾斬罪上酌減一等杖一百流三千里
該革生在押脫逃照律加逃罪二等發近邊充軍游春

喜倪二甲俚邱家旺桂相奎方路榮方昆成方彩雪方連相侯朗俚侯開生桂兆德桂亞仔桂發德桂沅發桂冬葵彭保喜桂廣秀楊花仔楊來發倪瀧兆方新華孔敬榮方昭雲孔早榮侯和山朱啟發聽糾阻考同行入城聞擎先逃並未在場拒捕與方定士等聽從阻考又代爲糾人同行者情罪有間游春喜等二十六犯應請於罷考爲從絞監候例上量減一等各杖一百流三千里方百富聽從倪步蟾起意阻考代爲糾人惟臨時未行尙屬畏法亦請於罷考爲從絞監候上量減一等杖一百流三千里該犯又聽從拆毀差房仍請加一等發

附近充軍江錦秀江慶高江元矮仔江蠱仔朱正北江
四喜江達才聽從孔詳俚拆毀縣役黃枚等房屋合計
修費銀一千兩有零江錦秀等七犯均合依毀損人房
屋計合用修造雇工錢坐贓論坐贓折半科罪五百兩
罪止杖一百徒三年律爲從減一等各杖九十徒二年
半候修山錢庭秀與逸犯黃連生商議包漕經官往拏
聽從黃連生糾人抗拒以致被糾之錢英俚等用鳥槍
將縣役趙魁放傷將來黃連生獲案應於鳥槍傷人發
烟瘴少輕地方充軍罪上加拒捕罪二等實發雲貴兩
廣極邊烟瘴充軍候修山錢庭秀應請於黃連生軍罪

上減一等杖一百徒三年于益行錢喜保桂茂喜錢五
俚錢詳俚錢開發錢申幅錢廣喜錢益如錢阜榮官富
俚錢向榮姜進有王亮彩王求成王壽生饒世青王富
俚徐茂春黃三如侯新發錢富俚朱才俚等二十三犯
聽糾抗拒目擊傷人均請於侯修山等滿徒罪上再減
一等各杖九十徒二年半以上軍流徒犯除方新華孔
敬榮方昭雲孔早榮侯和山朱啟發江達才錢庭秀錢
富俚朱才俚俱已病故外餘俱到配折責安置案關匪
棍聚眾滋事各犯內有供稱親老丁單及孀婦獨子者
均毋庸查辦留養童生董立恭方入瀛倪步閭倪黼秀

先經聽從倪步蟾抄寫揭帖毀匿考棚頭門係迫於師長及尊屬之命礙難自由後被拏獲在押脫逃亦已自行投首惟究有不合應與眼見毀門未經向阻之革廩倪步雲倪步階革生曾迴旭均照不應重律杖八十董立恭等折責發落倪步閣業已病故應毋庸議倪步雲倪步階曾迴旭已革去廩生生員免其發落倪梓於伊子倪步衡爲倪步蟾糾人阻考不能禁約亦應照不應重律杖八十已革生員不准開復免其發落錢英俚王開發徐何仔聽糾抗拒鳥槍傷人本千例擬業已被擊身死應毋庸議兵丁葉盛發等因錢英俚等持仗拒捕

放槍回擊致斃照律勿論倪步蟾等在監在押病故刑
禁看役人等訊無凌虐情弊侯邦理應完錢糧已據完
納差役趙魁傷已平復均毋庸議被拆房屋照估追繳
修費給主具領各屍棺分給領埋遞犯桂灑麻仔等飭
緝獲日另結該縣歲試文童已經接署縣李廷楷考試
完竣孔敬榮等均係帶病進監身故管獄官例無處分
倪步蟾在監病故所有監斃遣犯一名之管獄官職名
係南昌府照磨張璇瑞相應開報又失察私藏鳥槍並
倪步蟾糾眾鬧考該縣汎弁未卽協獲各職名飭取另
參至此案要犯已據該前署縣閻彤恩隨同拏獲且訊

無濫刑激眾情事所有原參暫行革職之處應請准予
開復惟生員侯邦理先未詳革擅行掌責仍應照例議
處除將全案供招咨部外所有審明定擬緣由理合恭
摺具

奏伏乞

皇上聖鑒

敕下法司核覆施行謹

奏道光二十八年四月初五日奏奉

硃批該部速議具奏欽此

吳文節公遺集卷十八目錄

奏議

查勘封禁山片

審擬包酒拒捕逆犯罪詔京控摺

吳文節公遺集卷十八

男養原謹編

奏議

查勘封禁山片

再廣信府所轄之封禁山臣數年以來未及親勘茲值較閱廣信營伍之便酌帶地方文武各員前赴距城八十餘里之冷水嶺鐵山街一帶外口巡查是晚卽在山口住宿擬俟次日進厯內口適因一夜大雨如注山溝水深數尺不能前進仍由外口一路折回臣於途次登嶺之際遙望懸崖峭壁四面攢簇幾無空曠處所口外

吳文節公遺集

卷十八

附近居民多於山腰崖側零星置屋耕種相安並無外來游匪潛匿蹤跡所過各汛兵丁亦皆駐宿卡房臣仍

嚴飭該地方文武員弁遵照章程按月按季分別輪巡不准稍有怠玩以昭周密所有臣查巡封禁山情形謹

附片奏

聞伏乞

聖鑒謹

奏道光二十八年五月二十一日奏奉

硃批下屆如值閱伍之時仍應親行查看用昭覈實以杜朦朧欽此

審擬包漕拒捕逸犯提詞京控摺

奏爲包漕拒捕逸犯提詞京控遵

旨會同訊明定擬恭摺具

奏仰祈

聖鑒事竊照江西貴溪縣職員黃光煒卽黃連生聚讐
包漕間拏糾眾拒捕一案先經該縣府拏獲從犯錢庭
秀等二十餘名解省委審分別擬徒經臣吳文鎔歸入
該縣革貢倪步蟾罷考殺差案內提審具

奏接准部覆正在轉行間恭閱邸抄知黃光煒以戚道
勒折焚搶斃命等詞赴都察院具控奏奉

諭旨此案著交吳文鎔會同孫葆元親提人證卷宗秉公嚴訊按律定擬具奏毋稍枉縱原告職員黃光輝該部照例解往備質欽此又經臣吳文鎔附片

奏明將案內問擬徒罪各犯暫緩發配俟黃光輝解到質明辦理在案嗣准都察院抄錄原奏原呈同該原告黃光輝交部遞解回江恭讀

諭旨與邸抄相符查有劉六發官曰成二名先據該縣訪係歷年隨同黃光輝包潛之犯弋獲解省因訊供狡展監禁待質卽經欽遵轉行委提至案人卷並據續獲劉榮漳等一併申解而王品才畢再輝旋赴臣孫葆元

遞次遞呈辯訴並赴省投審當卽押發臬司飭發委員
歸案審辦因查南昌府知府吳清皋等係屬原開之員
均未便再令承審致滋藉口當經札調袁州府知府沈
兆溶署南昌府吳城鎮同知銘岳晉省發委督同因公
在省之樂安縣知縣史致祥暨南昌縣知縣張賦林審
辦去後茲據該委員等以劉修林何騰賓許榮輝赴案
投首提同審明議擬由臬司陸元烺審解前來臣等親
提研鞠緣黃光煒卽黃連生籍隸貴溪縣先於道光二
十三年因捐修該縣浮橋等項工程議敘八品職銜平
日與現獲之革監王品才卽王傑在逃之桂澆麻子卽

桂鳴岐武斷鄉曲狼狽爲奸道光二十三年九月間黃
光輝起意攬納附近村莊漕糧從中漁利與桂澠麻子
王品才商議桂澠麻子等意見相同當卽分邀已獲之
畢再輝卽畢戴飛劉灤漳蕭沅發劉六發官曰成投首
之劉修林何騰賓許榮輝在逃之桂培風桂必高艾永
興劉啟林黃金生姜添灤王士高周三沅桂金傳蔡曰
三蔡葉三蔡從周李占灤黃金仕王茂貴王喜祥桂連
章葉名生吳二俚趙大才錢伯恭入夥在鷹潭街劉相
公廟內設局強令該縣三十二三四六等都花戶將
應完漕米交局代完每擔勒要交米三斗錢四千文如

私自赴官完納查出加倍議罰各都花戶均畏兇橫含忍允從黃光輝分派劉潔漳在局管帳蕭沅發劉修林黃金生姜添潔王士高周三沅經收錢米畢再輝與劉六發等管理運米進倉何騰賓許榮輝二人僅止照料眾人伙食黃光輝等將收得米石以鄉斗加耗交官下餘錢米隨時分用不記確數此後三年黃光輝等亦俱照前攬納曾經縣民蕭樹華蕭發喜陸祥發等控縣控司有案差拘未獲至二十七年二月間該署縣閻形恩抵任訪知該縣錢漕厯有衿棍包攬出示嚴禁有貢生倪步蟾聞之不悅藉生員侯邦理等緣事被責冀圖挾

制主令桂澗麻子桂培風等糾眾罷考以致拒殺差役桂澗麻子桂培風間拏嚴緊因與黃光輝平日包漕各有照應逃至黃光輝村內央允留藏正值該縣開倉收漕黃光輝恐一年中止後難繼行仍復起意包漕獲利當與桂澗麻子桂培風王品才並獲累病故之錢庭秀等商定向以上各都花戶照舊包攬時前署廣信府知府鄧仁堃在縣督拏閹考案內逸犯訪悉前情於十月十八日會督營縣帶領兵役前往查拏路過桂澗麻子所住山背村恐其回家潛匿毀門進拏無獲黃光輝先已聞知復起意糾人抗拒卽令王品才等分赴各都糾

令各帶器械幫助約有數百餘人是晚有畢再輝及先
經擬結之錢喜保桂茂喜錢五俚錢申幅錢廣喜錢阜
榮官富俚錢向榮姜進有王亮彩王壽生饒世青王富
俚獲案病故之于益行錢詳俚錢開發錢益如王求成
徐茂春黃三如侯新發錢富俚朱才俚當被擊斃之錢
英俚卽錢丕仇王開發卽王春發徐何仔卽徐豬崽在
逃之劉明發周三萬黃新發黃金生桂志榮三十二人
前往會齊卽在黃光輝家住宿十九日早黃光輝等探
知兵役將到桂澗麻子桂培風逃赴遠處躲避黃光輝
遣令劉潔漳劉六發官日成先在山後約放迎神鐵銃

爲號俾所糾各都之人前來助勢一面與王品才錢庭秀等攜帶器械率領于益行等出村迎拒錢英俚王開發徐何仔點燃鳥槍中傷縣役趙魁頭面等處當被兵丁葉盛發等開槍擊斃比有黃光輝家工人徐七俚手攜鳥槍出而幫拒亦被飛子中傷黃光輝等畏懼始各四散奔逃當時將錢庭秀于益行等追獲並奪獲鳥槍四眼銃等件而徐七俚受傷沈重回至家內越日殯命各屍親均各自行殮埋未敢報驗十一月初二日該署府訪聞黃光輝王品才均潛行在家聚眾商議仍欲包攬漕事會督兵役復往擒捕因王品才住處與安仁縣

接壤誠恐此拏彼竄密札安仁縣知縣莫廷蕃堵拏詎
黃光輝王品才俱已聞風挈眷逃避王品才有空屋三
間黃光輝建有倉廩及住屋各一所詢諸保鄰僉稱倉
廩特爲私收漕米各該房屋俱係聚集匪徒處所且黃
光輝所建之屋牆上有槍眼數處似爲拒捕而設存留
恐貽後患當卽督飭兵役將兩處房屋及倉廩分別拆
毀焚燒稟報存案至畢再輝劉潔漳劉明發三家當該
署府往拏時俱各閉戶潛遁均經破門搜捕並恐其夾
藏器械將其籬壁拆毀當因黃光輝等一時驟難弋獲
先將已獲各犯解省發委南昌府知府吳清皋會同該

署府鄧仁堃暨候補府耆齡南昌府同知蔣啟敷審辦
錢庭秀等止將先往會齊之于益行等招出因不知黃
光輝有遺令王品才等赴各都糾人之事是以未經供
明經該委員等將錢庭秀等分別擬以杖徒解經臣吳
文鎔歸於倪步蟾閩考案內提審具

奏接准部覆而黃光輝於逃後自知罪無可逭起意京
控希圖抵制隨捏以該署府代縣收漕勒折焚搶斃命
並藉伊另居之祖黃燦英老病身故指爲逼死又恐難
邀准復於詞內添砌曾控督撫臬司均未提訊各情做
就呈詞進京赴都察院衙門具控

奏奉

諭旨交

臣吳文鎔會同

臣孫葆元親提嚴訊按律擬奏

並准將該原告黃光輝同呈詞等件咨解回江查案內

劉六發官曰成二犯先經該縣訪獲解省因訊供狡展

監禁待質欽奉前因遵卽行司委提全案人卷去後而

王品才畢再輝劉潔漳聞知黃光輝京控遞回仍敢各

自起意斂費爲黃光輝接濟隨向各花戶勒派得錢一

百一千文寄省交黃光輝用度又經該縣訪知將劉

潔漳等拏獲同人卷一併申解王品才畢再輝旋赴

臣

孫葆元途次遞呈辯訴並赴省投審當卽押發臬司飭

發委員袁州府知府沈兆溶等審辦卽據劉修林何騰賓許榮輝赴案投首該委員等提同留質各犯審出黃光輝令王品才等赴各都糾人並劉潔漳等放銃約眾各情按例議擬由臬司陸元烺審轉臣等親提研鞠據供前情不諱究明委係該犯黃光輝包潛被拏聚眾抗拒並非該署府鄧仁堃辦理操切所致其所控各情均係捏飾希圖抵制此外亦無另犯不法重情臣等當堂再四究詰各犯俯首無詞案無遁飾查例載因爭鬪擅將鳥槍施放傷人者發雲貴兩廣烟瘴少輕地方充軍又律載犯罪事發逃走拒捕者於本罪上加二等爲從

減一等又例載兇惡棍徒屢次生事行兇無故擾害良
人人所共知確有實據者發極邊足四千里安置又開
拏投首之犯於本罪上減一等科斷各等語此案已革
職員黃光輝卽黃連生積年包漕漁利經官往拏輒敢
糾人抗拒以致被糾之錢英俚等用鳥槍將差役趙魁
中傷按例應照鳥槍傷人發烟瘴少輕地方充軍罪上
加拒捕罪二等實發雲貴兩廣極邊烟瘴充軍該犯於
逃走後復敢捏砌收漕勒折及焚搶斃命各重情赴京
呈控希圖抵制尤屬刁惡革監王品才先與黃光輝夥
同包漕復爲糾人拒捕已屬同惡相濟迨於黃光輝京

控後又爲勒派花戶出費濟用怙惡不悛實與黃光輝
表裏爲奸厥罪惟均黃光輝王品才均請從重發往新
疆酌撥種地當差該犯等係屬職員監生所犯尙非卑
污下賤照例免其刺字畢再輝劉潔漳始則聽從包漕
繼復隨同拒捕後又爲黃光輝斂費實屬屢次生事行
兇擾害良人畢再輝卽畢戴飛劉潔漳均合依兇惡棍
徒屢次生事行兇無故擾害良人人所共知確有實據
者發極邊足四千里安置例發極邊足四千里充軍右
面刺烟瘴改發四字劉六發官日成聽從包漕於黃光
輝糾人拒捕時受使在外約眾助勢應請於黃光

原犯軍罪上減一等俱杖一百徒三年蕭沅發劉修林
僅止聽從包漕並未隨同拒捕應請於劉六發等滿徒
罪上減一等俱杖九十徒二年半劉修林係聞拏投首
再減一等杖八十徒二年錢庭秀侯修山聽從黃光輝
糾人拒捕應與聽邀幫同拒捕之于益行錢喜保桂茂
喜錢五俚錢詳俚錢開發錢申幅錢廣喜錢益如錢阜
榮官富俚錢向榮姜進有王亮彩王求成王壽生饒世
青王富俚徐茂春黃三如侯新發錢富俚朱才俚等二
十三犯均仍照原擬該犯錢庭秀侯修山擬杖一百徒
三年該犯于益行等擬杖九十徒二年半以上軍徒各

犯除錢庭秀侯修山于益行錢詳俚錢開發錢益如王求成徐茂春黃三如侯新發錢富俚朱才俚業已病故外餘俱到配折責安置何騰賓許榮輝僅止在局管理伙食應請各照不應重律杖八十係聞拏投首應減一等各杖七十折責發落各犯在監患病提禁身故刑禁人等訊無凌虐情事應毋庸議黃光煒等所得包漕錢文訊明不記確數免其著追王品才等續斂錢文照追給主逸犯桂灑麻子等飭緝獲日另結再前署廣信府知府鄧仁塗因該縣革貢倪步蟾等罷考廩差會營督辦並未代縣收漕於捕拏黃光煒時因錢英俚等四人

放槍拒捕被兵丁葉盛發等開槍擊斃應照律勿論卽
拆燒黃光輝王品才房屋亦因該犯等窩聚匪類爲地
方除患起見並非辦理操切應請免議除將全案供招
咨部外所有審明定擬緣由理合恭摺會

奏伏乞

皇上聖鑒

勅部核覆施行謹

奏道光二十八年七月二十一日奏奉

硃批該部議奏欽此